

**AKT THEMELIMI
I SHOQËRISË ME PËRGJEGJËSI TË KUFIZUAR
“MARITIME LOGISTICS” SH.P.K.**

Sot, më 20.01.2021, ne të nënshkruarit: Z. Olsi Korça, shtetas Shqiptar, lindur më 15.03.1988, në Tiranë, mbajtës i Kartës ID-së me Nr. Personal I80315130M, Z. Edmir Nufi, shtetas Shqiptar, lindur më 27.06.1985, në Kukës, mbajtës i Kartës ID-së me Nr. Personal I50627064K, Z. Hamz Islamaj, shtetas Shqiptar, lindur më 20.04.1967, në Brekinj, mbajtës i Kartës ID-së me Nr. Personal G70420109T, me vullnetin tonë të lirë dhe të plotë, në zbatim dhe në përputhje me legjislacionin Shqiptar në fuqi, vendosëm të krijojmë Shoqërinë me Përgjegjësi të Kufizuar me emërtimin “MARITIME LOGISTICS” Sh.p.k.

I. THEMELIMI

- 1.1 Themelimin në Republikën e Shqipërisë të shoqërisë me emër “**MARITIME LOGISTICS**” Sh.p.k.
- 1.2 “**MARITIME LOGISTICS**” Sh.p.k. është një shoqëri tregtare dhe një entitet ligjor Shqiptar, me formë ligjore të një shoqërie me përgjegjësi të kufizuar (SHPK), në përputhje me legjislacionin e zbatueshëm Shqiptar dhe parashikimet në Statut (“**Statuti**”).
- 1.3 Selia Qendrore e shoqërisë ndodhet në adresën Terminali i Konteinerëve, Porti Durrës, Durrës, Shqipëri. Shoqëria rezervon të drejtën për të ndryshuar selinë qendrore të saj në një adresë dhe/ose qytet tjetër në Shqipëri.
- 1.4 Kohëzgjatja e Shoqërisë është për një afat të pacaktuar kohe.
- 1.5 Veprimtaria e shoqërisë si një entitet juridik fillon me miratimin e krijimit të saj nga ana e organeve kompetente në Republikën e Shqipërisë dhe do të jetë e vlefshme për një periudhë të pacaktuar kohe. Shoqëria përfundon aktivitetet e veta me vendimarrje unanime nga të gjithë ortakët e saj.
- 1.6 Shoqëria “**MARITIME LOGISTICS**” Sh.p.k., ka të drejtë të krijojë filiale brenda dhe jashtë Shqipërisë, në mënyrat dhe me kohëzgjatje ashtu sikundër e konsideron të arsyeshme dhe me miratimin e organeve kompetente.
- 1.7 Ortakët janë të detyruar të ruajnë natyrën konfidenciale të aktivitetit të shoqërisë.

II. OBJEKTI I AKTIVITETEVE TË SHOQËRISË

- 2.1 Objekti i aktivitetit të Shoqërisë është si më poshtë vijon:
 - slokers/ngarkim/shkarkim automjetesh/mallra gjenerale/mallra rifuxho etj./transport cargo/lashing-unlashing.

2.2 Në përputhje me legjislacionin Shqiptar, në mënyrë që të arrihet qëllimi i cituar më lart, Shoqëria mund:

- (i) të marrë licencat dhe autorizimet përkatëse dhe të kryejë çdo transaksion lidhur me pasuritë e paluajtshme dhe ato të luajtshme, si dhe çdo aktivitet tregtar, financiar, me qira, me hipotekë ose peng, të cilat mund të konsiderohen të dobishme ose të nevojshme për të përmbushur objektin e Shoqërisë, me kusht që këto aktivitete të mos kryhen në një masë më të madhe se ato të cituara më sipër;
- (ii) të sigurojë, drejtpërsëdrejti ose tërthorazi, interesa në shoqëri të tjera të cilat kanë një objekt të ngjashëm me atë të Shoqërisë, në Shqipëri ose jashtë saj;
- (iii) të kryejë import-eksportin e çdo malli dhe/ose shërbimi;
- (iv) të kryejë çdo aktivitet tjetër që mund të konsiderohet i dobishëm ose i nevojshëm në mënyrë që të përmbushet objekti i veprimtarisë së Shoqërisë.

2.3 Shoqëria do të kryejë çdo veprimtari që përputhet me objektin e saj dhe që e favorizon atë.

2.4 Shoqëria duhet të respektojë të gjitha ligjet dhe rregulloret përkatëse, si dhe standardet më të mira të etikës.

III. KAPITALI

3.1 Kapitali i Shoqërisë është 100,000 (një qind mijë) lekë, i përbërë nga tre kuota i ndarë si më poshtë:

- (i) Z. Olsi Korça zotëron 1 kuotë, që përfaqëson 40% të kapitalit, me vlerë 40,000 (dyzet mijë) lekë;
- (ii) Z. Edmir Nufi zotëron 1 kuotë, që përfaqëson 30% të kapitalit, me vlerë 30,000 (tridhjetë mijë) lekë;
- (iii) Z. Hamz Islamaj, zotëron 1 kuotë, që përfaqëson 30% të kapitalit, me vlerë 30,000 (tridhjetë mijë) lekë;

3.2 Kapitali i Shoqërisë është depozituar nga ortakët në emër të shoqërisë. Aktiviteti i shoqërisë do të rregullohet, përveç këtij Akti Themelimi, me normat e vendosura në Statut, kundrejt nënshkrimit të ortakëve dhe aprovimit nga Qendra Kombëtare e Biznesit, ditën që do të marrë cilësinë e personit juridik.

3.3 Fitimi neto që do të realizohet nga aktivitetet e shoqërisë do të ndahet midis ortakëve në përpjesëtim me aksionet e tyre në shoqëri. Çdo anëtar është i lirë për të marrë pjesën e vet të fitimeve në një llogari bankare brenda apo jashtë shtetit Shqiptar.



- 3.4 Për borxhet që mund të ekzistojnë në të ardhmen ndaj palëve të treta gjatë aktivitetit, shoqëria do të përgjigjet vetëm me kapitalin e saj themeltar. Anëtarët nuk janë përgjegjës për borxhet e shoqërisë me pasuritë e tyre.

IV. ORGANET VENDIM-MARRËSE TË SHOQËRISË

- 4.1 Organet vendim-marrëse të Shoqërisë janë:

- (i) Asambleja e Përgjithshme e Ortakëve;
- (ii) Administratori.

V. ASAMBLEJA E PËRGJITHSHME

- 5.1 Asambleja e Përgjithshme e përbërë nga tre Ortakët është organi më i lartë vendim-marrës i Shoqërisë, i cili merr vendime mbi aktivitetin e saj dhe mbi politikat ekonomike dhe tregtare.

- 5.2 Asambleja e Përgjithshme ka kompetencat e mëposhtme:

- (i) Të miratojë strukturën organizative të Shoqërisë;
- (ii) Të emërojë dhe të shkarkojë Administratorin (ët) e Shoqërisë;
- (iii) Të miratojë vendime për amendimin e Statutit për ndryshimin e formës ligjore të Shoqërisë; ose
- (iv) Të marrë çdo vendim tjetër lidhur me çështjet e Shoqërisë, përveç nëse parashikohet ndryshe në Statut.

VI. ADMINISTRATORI

- 6.1 Shoqëria administrohet nga 1 (një) Administrator, i cili është përfaqësuesi ligjor i Shoqërisë dhe e përfaqëson atë te palët e treta dhe është përgjegjës për çështjet ditore të Shoqërisë, duke iu nënshtruar kufizimeve të Statutit dhe legjislacionit të zbatueshëm.

- 6.2 Administratori i parë i Shoqërisë është si më poshtë vijon:

Z. Namik Feruku, shtetas Shqiptar, lindur më 04.02.1984, në Grevë, mbajtës i Kartës ID-së me Nr. Personal I40204049A, i cili ka të drejtë të përfaqësojë Shoqërinë me nënshkrimin e tij individual (“Administratori”).

- 6.3 Afati i emërimit të Administratorit është 3 (tre) vjet nga data e regjistrimit të Shoqërisë në Qendrën Kombëtare të Biznesit (“QKB”) me të drejtë riemërimi.

- 6.4 Administratori emërohet nga Asambleja e Përgjithshme. Me pranimin e emërimit të tij, Administratori pranon se marrëdhënia e tij me Shoqërinë është në bazë të mirëbesimit.

Asambleja e Përgjithshme ka kompetencë të shkarkojë Administratorin nga detyra e tij, në çdo kohë për çdo arsye.

- 6.5 Kompetencat e Administratorit për përfaqësimin e Shoqërisë janë përshkruar në Statutin e Shoqërisë.

Rregullime më të detajuara mbi organizimin e kësaj shoqërie janë të përcaktuara në Statutin e saj. Themeluesit, pas leximit me kujdes të Aktit të Themelimit e nënshkruajnë si të saktë dhe në përputhje me vullnetin e tyre.

Ky Akt-Themelimi ekzekutohet në 4 (katër) kopje origjinale, të cilat përbëjnë një të vetme.

Ortakët Themelues:

Z. Abi Françu



Z. Edmit Mufi



Z. Haris Llorey


